

Na osnovu provedenog postupka u skladu sa Zakonom o javnim nabavkama Bosne i Hercegovine, ("Službeni Glasnik BiH", broj 39/14), a na osnovu provedenog konkurentskog zahtjeva za dostavu ponuda, broj: 05.12.100-7464-1/19 od 23.12.2019.godine, te Odluka o izboru najpovoljnijeg ponuđača Direktorice J.U. Zavoda za javno zdravstvo Kantona Sarajevo, broj: 05.12.100-7464-Odluka o izboru3/20 od 11.05.2020.godine, kojom je prihvaćena Ponuda ponuđača **ANALITIKA d.o.o. Sarajevo**, kao najbolje ocijenjena ponuda, za potrebe J.U. Zavod za javno zdravstvo Kantona Sarajevo, zaključuje se između:

J.U. ZAVOD ZA JAVNO ZDRAVSTVO KANTONA SARAJEVO, ulica Dr.Mustafe Pintola broj 1/III Ilidža - Sarajevo, identifikacioni broj:4200329950003, koga zastupa direktorica Prof.dr.med.sci. Aida Pilav (u daljem tekstu: Ugovorni organ)

i

ANALITIKA d.o.o. Sarajevo, ul. Frede Hauptmana br. 7, identifikacioni broj: 4200561260005, koga zastupa direktorica Gorana Maglajlić , (u daljem tekstu: Izvršilac), zaključili su:

UGOVOR ZA JAVNU NABAVKU, INSTALACIJU I PUŠTANJE U RAD POLUAUTOMATSKI VERTIKALNI AUTOKLAV

I PREDMET UGOVORA

Član 1.

Predmet ovog Ugovora je nabavka, instalacija i puštanje u rad – POLUAUTOMATSKI VERTIKALNI AUTOKLAV, za potrebe J.U. Zavoda za javno zdravstvo Kantona Sarajevo, a prema ponudi broj: TEN-867-I od 30.12.2019. godine, koji je sastavni dio Ugovora.

Član 2.

Ugovorni organ naručuje predmetnu robu, a Izvršilac prihvata da isporuči, instalira i pusti u rad istu, a na osnovu provednog postupka javne nabavke putem Konkurentskog postupka i Odluke Ugovornog organa o izboru najpovoljnijeg Ponuđača.

Član 3.

Ugovorni organ i Izvršilac su saglasni da Ugovorom realizuju prema već definisanim uslovima u Obavještenju o javnoj nabavci putem Konkurentskog postupka (u daljem tekstu: Obavještenje) i prema tenderskoj dokumentaciji (u daljem tekstu: Tenderska dokumentacija) i to:

(1) Ugovorni organ prema zahtjevima u Obavještenju i Tenderskoj dokumentaciji

- (2) Izvršilac, prema dostavljenoj ponudi i dokumentaciji sa preciziranim ponuđenim uslovima u prijavi na konkurentski zahtjev.

II UGOVORENA CIJENA, OBRAČUN I NAČIN PLAĆANJA

Član 4.

- (1) U obim roba iz člana 2. ovog Ugovora podrazumijevaju se roba po prihvaćenim cijenama sa uračunatim poreskim obavezama (Prema specifikaciji iz Obrasca za cijenu ponude i prihvaćenoj ponudi).
- (2) Ukupna vrijednost Ugovora iznosi 22.576,00 KM bez PDV-a, odnosno sa PDV-om iznosi 26.413,92 KM.

Član 5.

- (1) Ugovorni organ će platiti fakturu za isporučenu robu u roku do 30 (trideset) dana od nastanka obaveze iz stava (1) ovog člana.
- (2) Ugovorni organ neće preuzimati robu niti plaćati fakture ukoliko se iskaže razlika u količinama na fakturi, otpremnici i narudžbenici.

III ROK, MJESTO I NAČIN ISPORUKE ROBA

Član 6.

- (1) Izvršilac se obavezuje da će u skladu sa članom 2. i 4. ovog Ugovora isporučiti robu Ugovornom organu i to u roku od 45 dana od dana obostranog potpisivanja Ugovora.
- (2) Ukoliko u toku trajanja Ugovora Izvršilac promjeni broj telefona i faksa, odmah je dužan pismenim putem obavijestiti Ugovorni organ.
- (3) Izvršilac se obavezuje dostaviti, instalirati i pustiti u rad predmetnu robu Ugovornom organu, propisanog kvaliteta, u traženim količinama i u dogovoreno vrijeme, također se obavezuje izvršiti adekvatnu obuku uposlenika Ugovornog organa.
- (4) Mjesto isporuke roba: sjedište Ugovornog organa, ul. Dr. Mustafe Pintola 1/III u J.U. Zavod za javno zdravstvo Kantona Sarajevo.

Član 7.

- (1) Izvršilac se obavezuje da će isporuku robe koja je predmet Ugovora izvršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene nabavke.
- (2) Ugovorni organ je dužan da dostavi pismeno obavještenje o svakom navodnom propustu Izvršioca po Ugovoru.
- (3) Ugovorni organ će utvrditi razuman rok za ispravku propusta Izvršioca u smislu izvršene nabavke i isporuke.
- (4) Izvršilac se obavezuje da će dostaviti certifikat o izvršenoj kalibraciji uređaja i svih pripadajućih komponenti od strane odgovarajuće kalibracione laboratorije koja ima akreditaciju prema zahtjevima EN ISO/IEC 17025.

- (5) Izvršilac se obavzuje prilikom isporuke robe dostaviti i uputstvo o korištenju proizvoda na jednom od službenih jezika naroda BiH.
- (6) Izvršilac se obavezuje da prilikom potpisivanja Ugovora dostavi Certifikat o usklađenosti sa zahtjevima direktive CE, kojim se dokazuje da tačno označena roba odgovara određenim specifikacijama ili normama.

Član 8.

Izvršiocu se postavlja uslov da nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi tenderske dokumentacije, ili su bila u svojstvu člana ili stručnog lica koja je angažovala Komisija za javne nabavke, nadležna za dodjelu ovog Ugovora, najmanje šest mjeseci po zaključenju istog.

Član 9.

Roba utvrđena ovim Ugovorom mora biti u skladu sa tenderskom dokumentacijom i zahtjevima Ugovornog organa.

Ugovorni organ ima pravo stručnog kontroliranja kvaliteta isporučene robe, a Izvršilac je u obavezi kontrolu omogućiti.

Član 10.

Ponuda Izvršioca br.: TEN-867-I od 30.12.2019. godine na temelju koje je sačinjen ovaj Ugovor, čini sastavni dio istog.

Član 11.

- (1) Ovaj Ugovor se zaključuje na određeno, a najkasnije do izvršenja odredbi ovog Ugovora sa najpovoljnijim ponuđačem.
- (2) U slučaju eventualnih primjedbi Ugovornog organa na kvalitet robe, Ugovor se može djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu ovog Ugovora.
- (3) Odredbe ovog Ugovora ne mogu se mijenjati nakon njegovog zaključenja.

IV OBAVEZE IZVRŠIOCA

Član 12.

Obaveze izvršioca su:

- (1) da će ugovorene obaveze izvršiti blagovremeno, u ugovorenom roku, stručno i kvalitetno u skladu sa važećim tehničkim normativima i standardima, sve prema dostavljenoj Ponudi;
- (2) da će odrediti stručna lica koja će rukovoditi izvršenjem poslova isporuke i instaliranja robe, kao i stručna lica koja će izvršiti obuku osoblja Ugovornog organa za rad na isporučenoj i instaliranoj robi;
- (3) da će Ugovornom organu omogućiti nadzor nad vršenjem isporuke i instalacije, te da će na njegov zahtjev obustaviti isporuku i instalaciju robe ukoliko se utvrdi da se ista izvodi nekvalitetno i mimo tehničke dokumentacije;

- (4) da će snositi odgovornost za štetu u toku izvršenja ugovora nastalu radnicima Ugovornog organa ili trećim licima,
- (5) da će posebno obratiti pažnju da prilikom isporuke i instalacije robe, ne nanese štetu unutar prostora ili susjednih prostora, a ukoliko se ista desi, da će je otkloni o vlastitom trošku;
- (6) da će u najkraćem roku otkloniti eventualne nedostatke koji mu budu predloženi prilikom primopredaje roba iz člana 1. ovog Ugovora od strane ovlaštenog lica Ugovornog organa;
- (7) da će prilikom primopredaje roba iz člana 1. ovog Ugovora, Ugovornom organu predati uputstva za rad na isporučenoj i instaliranoj robi, koja moraju biti napisani na jednom od službenih jezika u Bosni i Hercegovini, kao i svu potrebnu prateću dokumentaciju za istu i to: garantne listove za ponuđenu robu iz tehničke specifikacije i drugu tehničku dokumentaciju.
- (8) da će izvršiti obuku osoblja Ugovornog organa u laboratoriji Ugovornog organa i sa obukom će se početi odmah nakon isporuke, instalacije i puštanje u rad robe, nakon obavljene obuke će izdati uvjerenje (certifikat).

V UGOVORNE KAZNE I NAKNADA ŠTETE

Član 13.

- 1) U slučaju kašnjenja u isporuci roba, do kojeg je došlo krivicom odabranog Ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, a najdalje 5 kalendarskih dana s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Odabrani Ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa, u protivnom Ugovorni organ će umanjiti fakturu za navedeni iznos
- 2) Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani Ponuđač nije mogao uticati niti ih predvidjeti
- 3) Ukoliko Izvršilac na bilo koji način neuredno ispunjava preuzete ugovorne obaveze, a naročito u pogledu kvaliteta, kvantiteta roba i utvrđenih rokova, Ugovorni organ ima pravo raskida Ugovora i pravo da o trošku Izvršioca ustupi posao drugom Izvršiocu sa pravom naknade troškova uvođenja novog Izvršioca kao i pravo na naknadu mogućeg nastanka štete zbog neispunjenja Ugovorne obaveze.

VI ZAVRŠNE ODREDBE

Član 14.

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom, ugovara se nadležnost Suda u Sarajevu.

Član 15.

Svaka od ugovornih strana može otkazati ovaj Ugovor pismenim putem uz otkazni rok od 15 (petnaest) dana iz svih razloga propisanih Zakonom o obligacionim odnosima.

Član 16.

Za sve što nije regulisano ovim Ugovor, primjenjivaće se odredbe Zakona o obligacionim odnosima.

Član 17.

Ovaj Ugovor stupa na snagu danom potpisivanja obje ugovorne strane i traje do izvršenja njegovih odredbi.

Član 18.

Ovaj Ugovor je sačinjen u 4 (četiri) istovjetna primjerka, od čega svaka ugovorna strana zadržava po 2 (dva) primjerka.

ANALITIKA d.o.o. Sarajevo
DIREKTORICA





(Gorana Maglajlić)

Broj: 43.13107/20
Sarajevo, 13.07.2020. g.



J.U. ZAVOD ZA JAVNO ZDRAVSTVO
KANTONA SARAJEVO
DIREKTORICA



Prof. dr. med. sci. Aida Pilav)

Broj: 05.12.100 –7464-Ugovor/20
Sarajevo, 30.06.2020. godine